

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

- 1. Uran pillugu tusarniaaneq Naalakkersuisuniit peqataaffigineqarniarpa ?**
- 2. Uran nunatsinni piarneqalissangaluarpat, qanoq ilillugu Naalakkersuisut qulakkeerniarpaat, uran nunatsinneersup sakkussanut ulorianartunut atorineqannginnissaa ?**
- 3. Tusarniaanissamat pilersaaruserneq nunatsinni Naalakkersuisuniit qanoq peqataaffigineqarpa ?**
- 4. Uran-imik nuntasinneersumik nunanut allanut tuniniaanissami danmark Naalakkersuisuniit ikiortiserineqarpoq, taama sullinneqarnissaq nunatsinnut qanoq akeqassua ?**

(Inatsisartunut ilaasortaq, Anthon Frederiksen, Partii Naleraq)

Tunngavilersuut:

Uran pillugu Folketingimi tusarniaanissaq 16. Marts 2016-imi pissasoq tusagassiuutitigut nalunaarutigineqarpoq. Tusarniaanissaq taanna nunatsinni Naalakkersuisuniit qanimut najuuffigineqarniarpa ?

Tassami susassaqarfik nunatta oqartussaaffigisaa pillugu danskit folketingimi ilaasortaatitanit ingerlanniarneqartoq paasinarmat. Taamaattumik assut soqutiginarpoq paasissallugu tusarniaanermi Naalakkersuisut qanoq sukkullu pilersaarusernermi peqataatiginersut ?

Aamma tamakkiisumik paasissallugu soqutiginarpoq, Uran nunatsinniit avammut niuerutigineqalerpat, niuernermi killilersuutit suut atorneqassanersut maannangaaq siunniunneqareersimanersut ?

Ullut suliffiit qulit qaangiutinnginnerani akineqarnissara kissaatingaara.